



Universitätsbibliothek Paderborn

**Panegyricvs, Die Natali Academiæ Theodorianæ
Paderbornensis, Reuerendissimo, atq[ue] Illustrissimo
Principi, ac Domino, Theodoro, Episcopo Ecclesiæ
Paderbornensis, S. R. I. Principi, Fvndatori Eivs ...**

Horrion, Johann

Paderbornæ, 1616

Capvt V. Viri sanctitate & doctrina illustres, qui è Paderbornensi Gymnasio
prodierunt.

urn:nbn:de:hbz:466:1-14243

DEO gratum existimasse, atque si aras, & templa poneret.
 Qui ita de codicibus, mutisq; membranis sentiebat, quid is
 se facere credebat, cùm ipsos adolescentium animos, quo-
 rum paullò post innocentia, atque doctrina Ecclesiæ di-
 gnitas niteretur, optimis disciplinis imbueret? Si enim qui
 rudes hominum animos CHRISTO conciliant, ij quod-
 dam sacrificij genus, vt est apud Apostolum, DEO faciunt, [Rom. 15.
 v. 16]
 nihilne operantur, qui ipsos plurimorum magistros mox
 futuros omni ea litteratura expoliendos curant, qua sit o-
 pus ad tam augustum, & humano generi salutare munus
 pro dignitate sustinendum? Evidem nihil dubitem ne-
 gare ullam hecatomben DEO perinde decoram, grata-
 que esse potuisse, atque ornatissimus ille nobilium adole-
 scentum coetus, qui illis temporibus in Paderbornensi Ec-
 clesia, cùm omnium præstantium artium scientiam perce-
 pissent, alij ad alias Ecclesias regendas vocati, illustribus
 suam quisque promeritis ornauerunt.

C A P V T V.

Viri sanctitate, & doctrina illustres, qui è Paderbornensi Gymnasio prodierunt.

IN ijs fuisse legimus Vnyvanum Meinvverci, atque [Adam.
 Imadi propinquum, qui è Choro Paderbornensi, vt Bremen.
 loquitur Adamus, assumptus, atque à S. Henrico Ar-
 chiepiscopus Bremensis renunciatus, satis ostendit,
 præclaras se quædam Paderbornæ sapientiæ, & virtutis ru-
 dimenta posuisse. Hic est enim ille Vnyvanus, qui Bern-
 ardum Saxoniæ ducem res nouas aduersus Henricum san-
 ctissimum Cæsarem molientem, omnes Saxoniæ Ecclesias

H 2

inaudito



inauditō scelere vexantem, & quod nefas est dictu, Vandālorum gentem per summam impietatem à Christianis sacris ad Ethnicam superstitionem minis armisque cogentem fregit, ac domuit. Ille perpetua necessitudine doctissimis viris jungebatur, quos partim nusquam ab latere suo dimittens, omnibus in negotijs adhibebat: partim ad traducendos ad CHRISTVM populos in Dаниam, ac Norvęgiam amandabat. In illo tanta erat fluxarum opum despicientia, ut non dubitaret, ingentibus Ecclesiae suę sumptibus, atque iacturis, Aquilonares reges, populosque prensare, & dum eorum animos CHRISTO conciliaret, suarum fortunarum detrimenta in lucro ponere.

[cap. 52.] Educa-
tus est deinde Paderbornæ cùm Imado S. Anno Archicpi-
scopus Colonensis, vt refert auctoritatem S. Meinverci.
neque refert, quod eius institutio à Lamberto Schafna-
burgensi, & alijs, Ecclesiae Bambergensi attribuatur. Id
enim cō factum esse suspicor, quod idem deinde Bamber-
gensis Ecclesiae Scholasticus fuit, atque ita cùm in utraque
litteras didicisset, potius habita est ratio eius, in qua præ-
terea docuisset. Facile quoque induxerim animum, pro-
pter incredibilem D. Henrici in utramque Ecclesiam amo-
rem, & pietatem tantis munificentia documentis testa-
tam, ea tempestate singularem quandam Paderbornensi,
cùm Bambergensi Ecclesia amicitiam, ac societatem inter-
cessisse. nam post mortem quoque D. Henrici, Poppo Pa-
derbornensis Episcopus, qui Imado successit, Bambergensi
Ecclesiae Præpositus fuerat: vt jam non sit necesse perue-
stigare, quemadmodum fieri potuerit, vt idem S. Anno &
Bambergæ, & Paderbornæ sit eruditus. Porro de S. An-
nonis laudibus dicere quid attinet? Cui enim ignota est il-
lus viri prudentia, qui Henrico III. Cæsare necdum ad re-
gnandum maturo, cùm eius esset tutor designatus, vniuer-
sum

[alijs IV.]

sum imperium aliquot annos suis humeris sustinuit & quis de eius facundia nihil legit, quo dicente complorantium gemitu templa personabant? Nam morum sanctitas tot miraculis confirmata diuinitus, & publicis Ecclesiæ fastis consecrata latere neminem potest. Annoni jungitur ab autore vita B. Meinverci, in Gymnasio Paderbornensi cōdiscipulus, Fridericus Monasteriensis Episcopus, nempeis qui Sextus decimus est ordine; si Krantzio credimus, Mar- [ibid.] chionis Misniæ filius. Hic quantum ex Annonis, & Imadi contubernio, ac condiscipulatu profecerit, perpetua in viros doctos voluntate, & singulari quadam excelsitate mentis ostendit. Forte cum Monasterium venisset, repperit viros Ecclesiasticos non paucos, doctos juxta ac pios, laudabilem inter se quandam Religionis, & litterarum societatem coiisse. Ad hunc cœtum, ut est in excellentibus ingenijs insatiabilis proficiendi cupiditas, sese cuestigio aggregauit. Factus deinde Episcopus adem Sacram D. Mauritiij in suburbano extruxit, fundatoque ad eam honestissimo Canonicorum Collegio, quantum in se fuit prouidit, ne vñquam Ecclesiæ stir corum hominum copia defset, quorum institutis, ac moribus plurimum ducebatur. Et quanquam, cum infula Magdeburgensi à plurimis dignissimus judicaretur, VVeziloni D. Annoris germano posthbitus est, tamen nihil animo fractus, aut deiectus, illustre defe documentum dedit, non esse quod, qui jam inde ab adolescentia, virtutum sibi, & sapientiae ornamenta pararunt, altiorem alijs dignitatis gradum intuideant, cum in eorum sit manu, in quocumque fuerint collocati, proprium ei quoddam decus ac splendorem impertiri. Hos consecutus est S. Altmannus, qui, vt loquitur eius vita scriptor, Paderbornē ad regimen scholarū delectus, multosq; annos co munere præclarè functus, primū Præpositus Aqui-

[Metrop.
I. 5. c. 8][Chron.
Monast.
MS.][Edita à
V. Cl. Se-
bast Tégl-
nagel è
Bibliothé-
ca Cæsa-
rea.]

granensis, ac deinde Episcopus Patauiensis est renuncia-
 [Lamb.
Schafn
an. 10, 6] tus. Is in conuentu Triburicensi, vbi Henrico Tertio Im-
peratore grauissimorum criminum à Principibus reo fa-
cto, atque à Gregorio VII. Pont. Max. sacris interdicto de-
summa Reipub. agebatur, vnà cum Sigehardo Patriarcha
Aquilensi, eiusdem Pontificis vicem egit, vir, vt ait
Lambertus, Apostolicæ conuersationis, & magna-
rum in Christo virtutum. Neque verò præteriri de-
bet Vicelinus vir longè sanctissimus, quem Holsatiorum,
plurimorumque ad Aquilonem populorum Apostolum
 [Helmol.
dus hi-
stor Slau.
I 1. cap 43.
Krantz 1
6. Metrop.
cap. 2. Sa.
xon. I. 5. c.
29.] recte dixeris. Ad eorum salutem procurandam cùm es-
set designatus à D E O, essetque insigni vitæ integritate,
sed minimè pari doctrina præditus, huius ei quoque com-
parandæ casum obtulisse dicitur. Versabatur Vicelinus
in ulteriori Saxonia, in familia feminæ illustris, cuius tene-
ros liberos erudiebat. forte, vt inter potentium asseclas, &
familiares fieri solet, fuit qui herilem illigratiā, felicesque
successus inuidet. Is cùm summa viri innocentia nul-
lam obrectandi materiam daret, inscientiam exagitare
aggreditur. Promit versum ex Achilleide Stati Papinij,
cuius explicatio aliquid supra vulgus eruditioñis exposce-
ret. Eum locum sibi explanari conuitio flagitat. hic, cùm
bono Vicelino hæreret aqua, ille scilicet illudere, & expro-
brare, quod ipse rudis & imperitus alios se docere posse
confideret. Pupugit hæc oratio, vt minimè malum, ita
neque vilem abieciuntque animum. Ergò dolore dissimu-
lato, atque in discendi studium conuerso, Paderbornam
aduolat, vbi sub Hermāno viro doctissimo, de omni prope
genere doctrinarum scholas celebrari cognorat. Ibi tan-
tum progressionis breui habuit, vt magistrum subinde in-
docendo subleuaret, & secundas partes ageret, mox etiam
Bremæ Ludum ipse administraret. Aliquot post annis, cùm
ferre

ferre non posset in Slauorum, siue Vandalorum gente, quo-
rundani scelere, fidem Christianam vulgo abiici, atque
prodi, sanctius quoddam docendi munus est exorsus. Tra-
iecto siquidem, cum aliquot eiusdem propositi socijs, Albi,
& facta ab Henrico Vandalorum Principe potestate, vigin-
tiquinque ipsos annos per incredibiles æruimnas, sum-
mamq; vitæ sanctitatem, toto animo ad reuocandos ab I-
dolis ad CHRISTVM populos incubuit. Ad extreum ab
Hartvico Hamburgensi Archiepiscopo, Aldenburgi, quæ
Ecclesia complures annos Slauorum furore deserta squal-
lebat, jam grandis natu Episcopus est constitutus. In quo
dignitatis gradu nihil de illa pristina docendi, miserosque
ad frugem reducendi contentionem remisit, neque vñquam
remisisset, nisi plura quotidie pro DEI gloria sancte facere,
& fortiter pati meditantem mors oppressisset, atque ad
partam tot laboribus in cœlo palmam aliquando vocauis-
set. Hos tales ac tantos viros, cuiusmodi vix singulos sin-
gulae ætates ferunt, vno fermè seculo omnes Paderborna
formauit, vel perfecit, quo tempore non in ea modo à ciui-
bus, sed etiam ab exteris simul de Christianæ virtutis, simul
de ingenuarum artium gloria certabatur. Tunc omnibus
persuasum erat, flagitium esse si, cùm parens liberis patri-
monium augere laboraret, animi bona, quibus Reip. pro-
fint habeant necne, flocci non faceret. Tunc maiorum in-
signia, & natalium splendor ei probro censembaretur esse, qui,
dum per ætatem liceret, propria sibi decora non quæsisset,
quibus relictam à progenitoribus claritudinem tueretur,
& augeret. Tunc serio sentiebant viri Ecclesiastici dignita-
tem illam sui ordinis, quam maiores nostri, præ ceteris gen-
tibus, opibus, clientelis, ditione florentissimam esse volue-
runt, sine Christianæ sanctitatis, & rectæ scientiæ studijs, in
quibus omnis eorum vera gloria vertitur, retineri nullo
modo

modo posse. Tunc denique Antistites perinde erant animati, atq; tē, Princeps Illustrissime, nunc videmus, vt me hæc ipsa reputantem spes oblectet fore, vt, cū tu nobis Meinverci, atque Imadi felicia tempora restituas, si hæc juuentus ad omnē decus nata, tuis sapientissimis consilijs, optatisq; respondeat, ex ea Annones, Altmannos, Vicelinos aliquando videamus.

C A P V T VI.

Paderborna Imperatorum in VWestphalia proprium domicilium.

SPERO equidem neminem fore tam duti oris, qui, cūm tot Reip. lumina se Paderbornæ exortum, lucemque suam acceptam ferre testentur, etiam ambigat, sitne Paderborna præstantibus ingenij percolendis idonea. Potest tamen horum sententia sapientissimorum Principum auctoritate confirmari. Sic enim adhuc in deligendo constituendis Academijs loco obseruatū est à prudentibus: quibus in Vrbibus Principes commorantur, eadem opera gymnasij celebritate dignas iudicari. Primūm enim hoc amore Principem in bonas litteras esse oportere, vt eas, quantum fieri potest, assiduo in oculis, atq; in sinu ferre desideret. Deinde magni referre ad integratatem doctrinæ conseruandam, juuenumque licentiam refrenandam, ipso Principe, grauissimisque viris, quorum consilijs in Rep. vtitur, arbitris, tractari studia literarum. Denique, quæ in eligenda sibi sede Principes sequi solent, cæli salubritas, soli libertas, atq; amoenitas, eorum quæ ad viatum cultumque pertinent vilitas, & copia, secura pax, & tranquillitas, aliæq; eiusdem generis commoditates sunt eæ ipsæ, quas spectare Academiarum instituto-

res ju-

